

INUIT ATAQATIGIIT INATSIARTUNI



UKA2025/155

14.okt. 2025

Nivi Heilmann Efraimsen

**Sineriak tamakkerlugu oqaluffeqarnikkut aserfallassimanermut
takussutissamik iluarsartuussinissamullu
pilersaarusiortoqarsinnaanera pillugu Naalakkersuisut UKA2026
nallertinnagu agguaassassamik nalunaarusioqqullugit
aalajangiiffigisassasutut siunnersuut.**

(Inatsisartunut ilaasortaq Knud Kleemann)

Oqaaseqaat.

Inuit Ataqatigiinni pingaarluinnartutut isigaarput inuk nukittoq tassaasq timikkut tarnikkut anersaakkullu nukittoq. Timi tarnilu ataqatiginnerisigut inuk ilivitsuusarpoq. Taamaammallu timip pisariaqartiai kisiisa ineriartortissanngilagut, aammali tarnip, anersaap aamma ineriartortinnisaa pisariaqarpoq.

Takorlooruminaappoq angerlarsimaffik assiliaqanngitsoq, alianaarsarneqanngitsoq imaluuniit najoruminarsarneqanngitsoq. Angerlarsimaffigummi najoruminarsarlugillu kusassartarpagut avatangiisitta qanoq isikkoqarneri uatsinnut pingaaruteqartarmat.

Nipilersorneq aamma pingaaruteqarpoq, eqqarsaatit, misigissutsit assigiinngitsutigut aamma nipilersuutitigut anninneqarlutillu pilersinneqarsinnaammata. Tamakku assersuutigalugit oqarusuppugut piorsarsimassuseq, pilersitsisinnaaneq tarnimut anersaamullu ineriartortitsinermi pingaaruteqarmata. Taamaammallumi aamma timersortarfinnik, timersortartunik pingaaritsinerput aallavigalugu aningaasaliinikkut periarfissiisartugut.

Inuit Ataqatigiit ilageeqarnek, oqaluffeqarnek pingaartutut isigaarput. Oqaluffiit tassaapput inuianni katersuuffiusut, nuannaarnermi, aliasunnermi imaluunniit anersaakkut pisariaqartitsinermi. Suli najukkani tamani oqaluffiit tassaapput inunnit atorluarneqartartut. Inunnit ornigarluarneqarnermikkut soorunami aamma aserfallannerit assigiinngitsut pisarput.

INUIT ATAQATIGIIT INATSIARTUNI



Oqaluffiit ilaat nutaajupput, ilai pisoqaallutik. Oqaluffiit arlallit oqummik imaluunniit isugutammik sunnerneqarsimasarput, arlaat inuit ilai naalagiarsinnaasaratik, oquk saperamikku.

Inuit ataatsimoorfigisinnaasaannik iluarsartuussisarnertulli allatuulli pingaartigaaq oqaluffinnik aamma iluarsaassineq.

Nunatsinni najugaqarfiit tamangajalluinnarmik oqaluffeqarput. Taakkulu tamaasa ataatsikkut iluarsartuussinnaanngilagut. Pisariaqartitsineq paasisariaqarparput, iluarsaasinissamik tulleriiaarisinnaajumalluta.

Inuit ataqatigiinni aamma pingaartipparput palasit illui oqaluffinnut atasut aamma nalilersorneqassasut. Taakkumi arlaqartut aamma aserfallassisoqarput, iluarsaatissagutsigillu paasisariaqarparput aserfallanneq qanoq annertutigisoq, iluarsartuutissagutsigit aamma tulleriiaarisinnaaniassagatta.

Taama oqaaseqarluta siunnersuut akuerivarput.